

**Zeitschrift:** Annalas da la Societad Retorumantscha  
**Herausgeber:** Societad Retorumantscha  
**Band:** 87 (1974)

**Artikel:** Nos morts  
**Autor:** [s.n.]  
**DOI:** <https://doi.org/10.5169/seals-231205>

#### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Siehe Rechtliche Hinweise.

#### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. Voir Informations légales.

#### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. See Legal notice.

**Download PDF:** 21.05.2025

**ETH-Bibliothek Zürich, E-Periodica, <https://www.e-periodica.ch>**

Il 2 da fevrer 1973 eis ei stau 20 onns che prof. dr. *Ramun Vieli* ha bandunau questa tiara per adina. La LR salva il redactur dils vocabularis, il bab dalla Romania ed il promotur dil lungatg mumma en pia ed engrazieivla memoria.

Da dus giubileums da speciala tempra ha «Il Pompalus» dils 14 da settember 1973 saviu reportar sut il tetel «10 onns Fontaniva — 20 onns Desertina». La LR che ha neu e neu saviu appreziar la gronda ed impuronta prestaziun da quellas duas valentas casas edituras gratulescha cordialmein e giavischad ad ellas vinavon perseveronza, curascha e success.

Siu giubileum da 75 onns ha il *Chor Alpina, Cuera*, saviu festivar ils 23 da november 1973 cun in concert el hotel Marsöl a Cuera. La finamira dall'uniun — cun la cooperaziun dil Chor da dunnauns e mattauns Rezia — ei e resta la promozion dil contact denter ils Romontschs a Cuera e la tgira da lungatg e cant romontsch. Omisdus chors han neu e neu representau en moda simpatica il quart lungatg e la preschientscha romontscha ella capitala grischuna e meretan nies engraziamenti sincer e la renconuschienttscha dalla Romontschia.

Ils 2 d'avrel 1973 ha in um ch'ei staus ligiaus zun fetg cun l'Alpina e Rezia saviu festivar siu 80avel anniversari. Nus plidein da *Casper Spescha*, anterius procurist dalla Banca cantunala. 1932 ha il giubilar ediu la stenografia romontscha che ha anflau grond resun principalmein egl exteriur. Duront ina roscha d'onns ei Casper Spescha staus commember dil revisort dalla LR ed ha adina priu viva art e part dils quitaus e plaschers dil moviment romontsch. Ch'il Segner regali al giubilar aunc in triep onns da buna sanadad ei nies giavisch sincer.

Alla fin da nies rapport engraziein nus en num dalla LR e segir era en num dalla populaziun romontscha entira a tut tgi che ha prestau lavour en favur da nies lungatg mumma ed a tuts quels che demuossan di per di ina tenuta romontscha franca e nunballuccinta.

Pierin Ratti, parsura

## Nos morts

Ella vegliadetgna da 72 onns ei morts ils 16 da schaner 1973 a Puntraschigna igl enconuschent cumponist *Nuot Vonmoos*. Sia pli derasada composiziun ei senza dubi la canzun «Dorma bain» che vegn buca cantada mo en Svizra, mobein era en Tiaratudestga, Engheltiara, Frontscha ed els Stadis Uni.

Nuot Vonmoos era commember dalla cumissiun federala e cantunala da cant e presidiava era la cumissiun da cant dalla LR. Siu plaid veva peisa e siu caracter conciliant vegneva appreziatus zun fetg. Duront 37 onns ei il

defunct staus dirigeant dil Chor Viril d'Engiadina. Alla vischernaunca da Puntraschigna ha el surviu 44 onns sco scolast ed organist.

Per ses merets en favur dil cant e dalla cultura romontscha ha el retschiert 1969 il premi da radio dalla Cuminonza Radio Romontsch. El rauassi en pasch!

Cun dr. Paul Scheuermeier, ch'ei morts ils 13 d'uost 1973 a Berna en la vegliadetgna d'85 onns, ha in grond e fideivel amitg dils Romontschs bandunau nus per adina. Alla LR ha dr. Paul Scheuermeier rendiu gronds survetschs en grevas damondas. Aschibein en la questiun spinusa dall'Acziun Sutselva (1948) sco era en quella dalla scripziun sursilvana (1959) ei Scheuermeier sespruaus da far cun tut quita il mediatur. Sias lavurs e ses giudicats muossan con fetg e con serius ch'el ei staus engaschaus persunalmein e co el ei sestentaus d'arrivar ad in pareri objectiv, solid e ruasseivel. La LR vegn a salvar dr. Paul Scheuermeier en buna ed engrazieivla memoria.

## Rapport dil cussegli da scola

Igl onn da scola 1972/73 ha priu sia fin ils 26/27 da zercladur culs examens da diplom. Otg scolaras ein sortidas sco mussadras romontschas en la pratica. Quei ei stau il davos cuors tenor il modus vegl. Dacheudenvi vegn mo in cuors menaus, ed ils examens da recepziun han liug mintga dus onns. Quella midada cun ina instrucziun intensiva da dus onns ei segir sepagada. Schebi che cert cantuns ein revi denton sin ina instrucziun da treis onns, vein nus aspects da vegnir renconuschi cun la fin digl onn dall'Uniun svizra per seminaris da mussadras.

Il cuors current ei staus interruts il decembre 1973 e mars 1974 d'in praticum da mintgamai treis jamnas. Ils 11 tochen ils 16 da fevrer han las scolaras giu in'jamna da sport si l'alp Quader sur Breil. Nossa directura, sora Florentina Camartin, ha accumpaignau las scolaras e giu quita dalla tgira spirtala e corporala. In giuven skiunz, mess a disposiziun digl uffeci cantunal per giuentetgna e sport ha surpriu l'instrucziun da skis. El decuors digl onn da scola han las scolaras giu caschun da frequentar pliras dietas e tedlar referats d'interess cultural e professiunal. Pliras dad ellas fan era part dil Chor romontsch da scolars cantunals e separticipeschan allas reunions dalla Montana. Nus beneventein quei contact cul seminari da scolasts e cul gimnasi. Quei augmenta la schientscha professiunala e dat ligioms che pon fructificar il svilup da nossas scolaras.

Ils 3 da mars vein nus giu examens da recepziun per las scolaras d'in niev cuors. Sco experts ed examinaders han funcziunau: dunna Paulina Caduff, Sora Florentina Camartin, Theo Candinas, dna. dr. Fortunata Raming, seplevon Leo Reinalter, Vinzens Sonder, dna. C. Straub, prof. Victor Stupan